



Die Geheim van die Hiernamaals

'n Lesing deur die Oppermeester Ching Hai
26 Junie 1992
Verenigde Nasies, New York

Welkom by die Verenigde Nasies. Bid asseblief in jou eie geloof saam, dat ons dankbaar is vir wat ons het, vir wat vir ons gegee is, en ons wens, ons hoop, dat daar vir die wat nie genoeg het nie, gegee sal word soos vir ons gegee is; die wêreld se vlugteling, die oorlog slagoffers, die soldate, die regeringsleiers en natuurlik, die leiers van die Verenigde Nasies; dat hulle sal bereik wat hulle wil hê, dat daar in vrede saamgeleef kan word. Ons glo dat wat gevra word gegee sal word omdat die Bybel so sê.

Julle weet dat die tema van vandag se lesing “Die Hiernamaals” is. Ek dink nie julle wil oor hierdie wêreld praat nie. Daarvan weet almal reeds. Aan die Ander Kant is ander dinge. Ek dink almal wat hier is sal belangstel om (dit) te weet. Dit is nie soos ons mede inisiatief netnou oor wonderwerke gesê het nie, iets fantasties wat jy nie kan glo nie. Dit is baie wetenskaplik, baie logies en baie belangrik.

Ons weet dat in verskillende godsdienstige Bybels en Geskrifte gepraat word van sewe hemele, dat daar sewe vlakke van bewussyn is. Dit is die Koninkryk van die Hemele binne jou, die Boeddha natuur. Dit is alles dieselfde ding wat belowe word in die Hiernamaals. Min mense het toegang tot wat in hierdie geskrifte belowe word. Ek sou nie sê **geen** nie maar wel baie min. In vergelyking met die bevolking van die aarde is die persone wat toegang tot die Koninkryk van die Hemele het baie gering.

As jy in Amerika woon het jy waarskynlik toegang tot baie boeke wat die Hiernamaals beskryf. Sommige films wat die Amerikaners maak is nie heeltemal fiksie nie. Van die films wat die Japanees maak ook nie. Van hierdie film makers het waarskynlik van dié boeke gelees of hulle het selfs miskien 'n vlugtige blik in die Koninkryk van die Hemele gehad.

So, wat is in die Koninkryk van God? Waarom sal ons ons bemoei met die Koninkryk van God as ons genoeg werk in hierdie wêreld het? Ons het werk, veilige huise, ons het genoeg liefdevolle verhoudings en so voorts? Presies, ons het alreeds al hierdie dinge en daarom moet ons belangstel in die Koninkryk van God.

Dit klink te godsdienstig om van die Koninkryk van God te praat. Dit is eintlik net 'n vlak van hoër bewussyn. In die ou dae het die mense gesê dit is hemel, maar in wetenskaplike terme is dit anders. Ons kan sê dat dit 'n hoër vlak van kennis is, 'n hoër vlak van wysheid. Ons kan toegang daartoe kry as ons weet hoe.

In die afgelope tyd het ons van 'n nuwe ontwikkeling in Amerika verneem; dat daar 'n masjien is wat mense in Samadhi ('n toestand van geestesverheffing) kan plaas. Het julle dit al ondervind? Dit is in Amerika te koop. Vierhonderd tot sewehonderd dollar afhangende van watter vlak jy wil bereik. Dit is vir lui mense wat nie wil mediteer nie, wat dadelik samadhi wil bereik. Nou ingeval julle nie weet nie sal ek dit kortliks behandel.

Daar word beweer dat hierdie apparaat jou in 'n ontspanne verstandelike toestand plaas; dat jy daarmee 'n hoë IK kan bereik. Dit is veronderstel om aan jou hoër kennis te besorg, hoë wysheid en dat dit jou goed sal laat voel. Hierdie apparaat gebruik geselekteerde musiek, uiterlike musiek. So daar word oorfone benodig; daar word elektrisiteit bygevoeg, miskien strome wat jou stimuleer, dan sien jy waarskynlik flitse. So jy het 'n blinddoek ook nodig. Die oorfone en die blinddoek, dit is al wat jy nodig het vir samadhi. Dit is baie goed, en vierhonderd dollars- dit is baie goekoop. Maar ons samadhi is selfs goedkoper, dit kos niks en is vir ewig en ewig. En jy het nie nodig om dit met batterye of elektrisiteit te laai nie, in te prop, uit te prop; of ingeval die masjien buite orde raak, dit te laat herstel nie.

Afgesien daarvan dat kunsmatige lig en musiek mens in 'n ontspanne verstandelike toestand kan plaas, 'n wyse toestand, is dit ook veronderstel om vir jou samadhi te besorg. Dit het ek in 'n koerant gelees; ek het dit nie self probeer nie. Ek verneem dit is waarom dit so populêr is en soveel daarvan verkoop is. As hierdie kunsmatige goed ons kan laat ontspan en selfs IK kan verhoog, kan julle dink hoe die ware ding ons in ons wysheid kan help? Die ware ding is bo hierdie wêreld maar is tog vir enigeen toeganklik, mits hulle dit wil hê.

Dit is die innerlike Hemelse Musiek, die innerlike Hemelse Klank. Afhangende van die intensiteit van hierdie Musiek of die Innerlike Lig of die innerlike Musiek kan ons onself bo hierdie wêreld dwing en 'n dieper vlak van begrip betree.

En wat is in hierdie wêreld wat beter is as ons wêreld? Enigiets wat ons ons *kan* voorstel en *nie kan* voorstel nie. Ons weet dit eers wanneer ons dit beleef. Geeneen kan dit werklik sê nie. Maar ons moet volhardend en waarlik opreg wees. Geen ander persoon kan dit vir ons doen nie. Dit is soos wanneer iemand jou vervang om by die Verenigde Nasies te werk en jy betaling daarvoor kry. Dieselfde as wat iemand anders namens jou eet en jy versadigheid ervaar. Dit is die ondervinding wat tel. Ons kan luister na iemand wat die ondervinding het maar dit baat ons min omdat ons daardeur nie self ondervinding opdoen nie. Ons kan ondervinding, hetsy eenmalig of vir 'n paar dae, opdoen deur 'n persoon wat God self ondervind het. Ons mag Lig sien of Klank hoor, natuurlik, sonder om 'n poging aan te wend, maar in meeste gevalle hou dit nie lank nie. So, ons moet dit self ondervind en self die werk doen.

Bo ons wêreld is daar baie ander wêrelde. As 'n voorbeeld, die een net effens bokant ons. Ons noem dit in die Westerse terminologie die Astrale wêreld. In hierdie wêreld is daar 'n honderd en selfs meer vlakke. Elke vlak is 'n wêreld op sigself en elk verteenwoordig 'n vlak van begrip. Dit is soos om universiteit toe te gaan. Elke graad wat ons deurgaans verteenwoordig 'n beter begrip aangaande die universiteit se leringe. So beweeg ons stadig na die graderings plegtigheid.

In die Astrale wêreld sien ons baie verskillende sogenaamde wonderwerke. Ons sal waarskynlik self wonderwerke ondervind en deur hulle verlei word. Ons kan dalk siekes genees of dinge sien wat ander mense nie kan sien nie. Ons beskik oor ten minste ses verskillende wonderwerkende magte. Ons kan verby die grense van die gewone sien, ons kan buite die beperkinge van ruimte hoor. Afstand maak geen verskil nie. Dit is wat ons die hemelse oë en ore noem. Dan kan ons ook mense se gedagtes peil, wat hulle dink. Dit is die magte wat ons bekom wanneer ons toegang tot die Eerste Vlak van die Koningryk van God verkry.

Binne hierdie Eerste Vlak, soos ek reeds gesê het, is baie ander vlakke wat ons veel meer bied as wat in taal beskryf kan word. Byvoorbeeld, as ons na inisiasie mediteer en ons is op die eerste vlak, beskik ons oor veel meer vermoëns. Dan sal ons literatuur talente ontwikkel wees, wat nie vantevore die geval was nie. En ons weet ook dinge wat ander mense nie weet nie. Baie dinge kom na ons soos gawes uit die hemel. Somtyds is dit geldelik, somtyds is dit beroepsgewys en ander kere is dit ander dinge. Ons kan die vermoë ontwikkel om gedigte te skryf of om te teken. Ons begin dinge doen wat ons nooit kon doen nie of gedroom het moontlik sou wees nie. Dit is die Eerste Vlak. Ons kan gedigte en boeke in pragtige styl skryf. Ons was voorheen byvoorbeeld nie 'n professionele skrywer nie, maar nou kan ons skryf. Hierdie is materiële voordele wanneer ons op die Eerste Vlak van bewussyn is.

Eintlik is hierdie nie gawes van God nie. Dit is dinge wat in die hemel binne ons is en hulle kry lewe net omdat ons hulle opgewek het. Ons kan van hulle gebruik maak. So, dit is dan 'n bietjie inligting oor die Eerste Vlak.

Nou, wanneer ons na die hoër vlakke beweeg sien ons baie ander dinge, bereik ons ander dinge. Natuurlik kan ek julle nie alles vertel nie omdat die tyd beperk is. Dit is ook nie nodig om te luister na al die mooi dinge oor koeke en lekkergoed nie en dit nooit te eet nie. Daarom sal ek die "eetlus" so effens prikkel ingeval julle wil eet. Ons kan later ware voedsel aanbied. Ja! Net vir ingeval jy dit wil eet.

Nou, as ons net effens bo hierdie vlak gaan, na die Tweede Vlak, wat ons ter wille van vereenvoudiging die "Tweede" noem. Die Tweede Vlak- dan sal ons waarskynlik meer vermoëns hê as (met) die eerste, insluitend die wonderwerke. Die mees treffende prestasie van die Tweede Vlak is die van welsprekendheid en die vermoë om te debatteer. Niemand skyn in staat te wees om iemand te oorwin wat die Tweede Vlak bereik het nie omdat so 'n persoon oor die wonderlike mag van welsprekendheid beskik en omdat sy intellek tot die toppunt ontwikkel is.

Die meerderheid mense met gemiddelde verstandelike vermoë en IK kan nie by hierdie persone kers vashou nie omdat hulle intellek tot 'n baie groot mate geopen is. Dit is nie die fisiese brein wat ontwikkel het nie, dit is 'n mistieke krag, 'n hemelse krag, die wysheid wat inherent aan ons is.

Dit begin nou oopgaan. In Indië word hierdie vlak "Boeddhi" genoem wat intellektuele vlak beteken. Wanneer jy "Boeddhi" bereik word jy 'n Boeddha. Dit is waar die woord Boeddha vandaan kom- "Boeddhi" en Boeddha. So, die Boeddha is presies dit. Ons is nog nie klaar nie. Ek gaan jou nie net aan die Boeddha bekendstel nie. Daar is meer daaraan as dit.

Mense noem iemand wat die Lig ervaar het 'n Boeddha. As hy nie weet dat daar nog iets na die Tweede Vlak is nie, sal hy waarskynlik baie trots op homself voel. Hy sal dink hy is 'n lewende Boeddha en dat sy dissipels baie trots sal voel om hom Boeddha te noem. Maar eintlik het hy net die Tweede Vlak bereik waar hy die verlede, hede en toekoms van enige mens kan sien en ook oor welsprekendheid beskik. Dit is nog nie die einde van die Koninkryk van God nie.

Enige mens wat die verlede, hede en toekoms kan peil het geen rede om daarop trots te wees nie omdat hy net in staat is om die Akashic rekords, soos dit in die Weste bekend is, te kan lees. Almal van julle wat yoga of meditasie beoefen sal weet wat die Akashic rekord is. Dit is 'n soort biblioteek, net soos wat ons hier by die VN het.

'n Biblioteek met alle tale soos Arabies, Russies, Chinees, Engels, Frans, Duits, alle tale. As jy die

vermoë het om al hierdie tale te verstaan, sal jy weet wat in daardie betrokke land aangaan. Op dieselfde manier het 'n persoon wat toegang tot die Tweede Vlak het, die vermoë om die patroon van enige mens duidelik te interpreteer, net soos wat jy jou eie biografie kan lees.

Daar is nog veel meer aan die Tweede Vlak van bewussyn. Wanneer jy die Tweede Vlak bereik is dit reeds fantasties. Jy is reeds 'n lewende Boeddha omdat die Boeddhi, die intellek, geopen is. Ons weet baie dinge, dinge wat ons nie kan noem nie. Enige sogenaamde wonderwerk kan met ons gebeur, of ons dit wil hê of nie. Dit net omdat die intellek geopen is en weet hoe om die hoër bron van genesing te bereik en om ons lewens so te reël dat dit gladder en beter verloop. Ons intellek of Boeddhi is geopen sodat ons toegang tot al die inligting van hede en verlede het. Dit stel ons in staat om rangskikkings en herrangskikkings te maak ten einde foute van die verlede reg te stel. Ons herstel die fout en verbeter ons lewe daardeur.

As 'n voorbeeld, sou ons onder gewone omstandighede nie geweet het dat ons ons medemens met onbedoelde optrede te na gekom het nie, maar nou weet ons dit. Maklik! Ons weet nie dat die persoon in die stilligheid teen ons is nie en dat hy probeer om iets agter ons rug te doen om ons skade te berokken oor 'n misverstand of omdat ons iets verkeerd aan hom gedoen het nie. Maar nou weet ons waarom dit gebeur het. So, nou is dit maklik. Ons besoek hom, skakel hom, nooi hom vir 'n besoek en ons kan die misverstand uit die weg ruim.

Wanneer ons die intellektuele vlak bereik begryp ons dinge makliker en dit stel ons in staat om in verbinding te tree met 'n bron wat ons help om ons lewenspad en lewenskoers te verbeter. Op hierdie wyse vermy ons ongelukke, onwelkome situasies en nadelige omstandighede in ons lewens. Ja! Wanneer ons die Tweede vlak bereik is dit alreeds wonderlik.

Alles wat ek aan julle verduidelik het is wetenskaplik en logies. Daar is geen rede om te dink dat 'n yogi of 'n mediterende persoon 'n mistikus of 'n buiteruimtelike wese is nie. Hulle is aardse wesens, soos almal van ons, wat ontwikkel het omdat hulle weet hoe.

In Amerika word gesê dat alles afhang van weet-hoe (know-how). Ons kan alles leer. Reg? Dit is 'n soort bowêreldse wetenskap waardeur ons kan leer. Dit klink eenaardig maar hoe hoër die kennis hoe eenvoudiger is dit. Dit is eenvoudiger as om skool of universiteit toe te gaan met al hulle moeilike wiskundige vrae en probleme.

In die Tweede Vlak is baie verskillende vlakke. Ek sal dit kortliks behandel omdat ek nie in fyn besonderhede op al die geheimenisse van die hemel kan ingaan nie. Jy sal in elk geval al hierdie dinge weet wanneer jy daardeur reis met 'n Meester wat reeds die pad geloop het. Dit is nie werklik 'n geheim nie. As ons by elke vlak met sy subvlakke moet stop en alles wat daar is ondersoek, gaan dit te lank neem. Somtyds neem 'n Meester jou net vinnig van een vlak na 'n ander, baie gou. Omdat jy niks met meesterskap te doen het nie is dit nie nodig dat jy so baie hoër te leer nie. Dit sal jou net 'n hoofpyn besorg. Die Meester neem jou vinnig deur en terug maar selfs dit mag lank neem. Soms 'n hele leeftyd. Maar die Goddelike Lig Ervaring kry ons dadelik.

Dit is net 'n begin, soos om in te skryf. Wanneer jy by 'n universiteit inskryf word jy dadelik 'n student. Dit het niks met 'n Ph.D. te doen nie. Na 'n aantal jare gradueer jy maar jy word dadelik 'n student mits dit 'n regte universiteit is en jy ingeskryf het.

Insgelyks, wil jy vir die pret buite hierdie wêreld gaan, na ET se plek, om te sien wat hy doen, wat daar gebeur? Goed? Waarom nie? Omdat dit baie kos om na Miami in Florida te gaan net om in die see te bad. Waarom kan ons nie somtyds na ander wêreldde gaan om te kyk wat op ons buurplanete

aangaan en wat die mense daar doen nie? Ek dink nie daar is iets eenaardigs daaromtrent nie. Dit is net 'n kwessie van verder reis, 'n verstandelike of geestelike reis in plaas van 'n fisiese een. Daar is twee maniere van reis. Dit is baie logies en maklik om te verstaan.

Ons is nog op die Tweede Vlak. Wat moet ek julle nog vertel? Dit is hoe ons in hierdie wêreld aangaan. Ons het gelyktydig kennis van ander wêreldes omdat ons reis. Net soos wat jy 'n Amerikaanse burger is en jy reis van een land na 'n ander net om uit te vind hoe die buurland lyk. Ek glo dat baie van julle hier in die VN nie boorlinge van Amerika is nie. Nee? So julle weet nou dieselfde ding.

Ons kan na 'n ander planeet reis, of na die volgende lewensvlak om te verstaan. Die afstand is so groot dat ons nie kan loop nie of 'n vuurpyl gebruik nie. Ons kan nie eens 'n VVV gebruik nie.

Sommige wêreldes is so ver weg dat dit buite bereik van enige VVV is. Vreemde Vlieënde Voorwerp. Daar is 'n fasiliteit binne ons wat vinniger as enige VVV is. Dit is ons eie siel. Dit word soms die gees genoem. Ons kan daarmee vlieg, sonder brandstof, sonder polisie of verkeersknoppe of enigiets hoegenaamd. En geen bekommernisse dat die Arabiere nie aan ons olie wil verkoop nie (Gelag) omdat dit self-aandrywend is. Dit breek nooit nie tensy ons die universele voorskrifte oortree of die harmonie van hemel en aarde versteur wat eintlik maklik is om te vermy. As jy belangstel om te weet sal ons jou vertel hoe.

Ek is geen prediker nie. Moenie bekommerd wees nie, ek sal jou nie kerk toe neem nie. As voorbeeld is daar sekere wette in die heelal waarvan ons kennis moet dra. Wanneer ons 'n motor bestuur moet ons die verkeersreëls ken. Rooi lig; stop. Groen lig; ry. Ry aan die linkerkant van die pad ensovoorts. So is daar baie wette in die fisiese heelal. Buite hierdie wêreld is daar hoegenaamd geen wette nie. Ons is vry burgers maar ons moet buite die fisiese heelal gaan om vry te wees. Solank as wat ons in hierdie wêreld leef, in die fisiese liggaam, moet ons so ver moontlik binne die perke van die wet leef om uit die moeilikheid te bly. Dan word ons voertuie nie beskadig nie en kan ons sonder probleme vinniger en hoër vlieg.

Hierdie wette is in die Christelike Bybel, die Boeddhistiese Bybel en in die Hindoe Bybel opgeteken. Dit is eenvoudige wette byvoorbeeld dat jy nie jou medemens moet skade aandoen nie, nie sal doodmaak nie, **jy mag nie doodslaan nie**, jy mag nie buite liefdesverhoudings aanknoop nie, jy mag nie steel nie, verdowende middels gebruik nie. Dit sluit in die verdowingsmiddels wat vandag verkrygbaar is. Boeddha het moontlik geweet dat kokaiën in die 20ste. eeu uitgevind sou word. Verdowingsmiddels sluit alle soorte dobbelary in en enigiets wat ons vasmaak aan die fisiese genietinge van die lewe, dinge wat veroorsaak dat ons, ons geestelike reis vergeet.

Daar is fisiese wette wat ons moet nakom as ons vinnig, hoog en veilig wil vlieg. Om 'n vuurpyl te laat vlieg moet die wetenskaplikes sekere wette in gedagte hou. Hoeveel meer versigtig moet ons wees as ons hoër en vinniger as vuurpyle en VVV's wil vlieg. Daar is meer besonderhede wat ten tye van inisiasie verstrekkend sal word, as jy belangstel natuurlik. Ons wil jou nie verveel met al hierdie beginsels nie sodat jy naderhand sê: "Ek weet reeds. Ek weet dit. Ek het dit alreeds in die Bybel gelees."

Tien voorskrifte. Tien geboë."

Ons lees die voorskrifte maar meeste van ons is nie baie daarvoor gepla nie en begryp dit ook nie werklik nie. Of, ons verstaan dit soos ons wil en nie soos dit bedoel is om verstaan te word nie. Dit sal nie

skade doen om 'n bietjie fyner te luister en die dieper boodskap te probeer begryp nie.

In die Bybel, in die Ou Testament, in die heel eerste hoofstuk sê God: **"Heers oor die vis..., oor die voëls...oor al die diere van die aarde...en al die diere wat op die aarde kruip."** Maar Hy het nie gesê dat ons hulle moet eet nie. Nee.

"Let op! Ek gee aan julle al die plante wat saad gee op die hele aarde; ook al die bome wat vrugte dra en saad, gee. Dit sal julle kos wees." Min mense slaan daarop ag. So eet baie Bybel navolgers steeds vleis sonder om te begryp wat God werklik bedoel het.

As ons die saak wetenskaplik dieper beskou sal ons beseef dat ons nie aangepas is om vleis te eet nie. Ons hele liggaam, ons dermkanaal, maag en tande is vir 'n vegetariese dieët ontwerp. Geen wonder dat meeste mense siek word, gou oud word, moeg en lui ten spyte daarvan dat hulle slim en briljant gebore is nie. Hulle word elke dag so 'n bietjie dowwer en dowwer en hoe ouer hulle word hoe slegter voel hulle. Dit is omdat hulle hulle voertuie, vliegtuie, VVV's beskadig het. So as ons hierdie voertuig van ons langer en veiliger wil gebruik moet ons goeie aandag daaraan gee.

Jy het byvoorbeeld 'n motor. Almal van julle kan motor bestuur. As jy die verkeerde brandstof gebruik, wat sal gebeur? Jy sal dalk 'n paar treë ry en dan gaan staan. Moenie die motor verkwalik nie. Dit is jou fout want jy het die verkeerde brandstof ingegooi. As daar water in die brandstof beland sal die motor waarskynlik 'n ruk loop en later probleme ondervind. Of as die olie vuil is sal die motor mettertyd moeilikheid gee. Somtyds ontplof dit omdat ons nie goed daarna omsien nie.

Op dieselfde manier is ons liggaam soos 'n voertuig wat gebruik kan word om van hier na die ewigheid te vlieg, na 'n hoë vlak van wetenskaplike wysheid. Somtyds beskadig of misbruik ons dit. Die motor is bedoel om ons na ons werk te vervoer of na ons vriende of na die pragtige natuurskoon maar ons pas dit nie reg op nie. Ons gooi die verkeerde brandstof in, ons gaan nie die olie of die water na nie. Gevolglik loop dit nie vinnig of ver nie. Ons ry net op die grasperk, al in die rondte. Dit is ook reg maar hierdeur gaan die werklike doel waarom ons die motor aangeskaf het verlore. Dit is uiteindelik net 'n vermorsing van tyd, energie en geld. Dit is al. Geeneen kan geblameer word nie. Geeneen sal jou daarvoor laat betaal nie. Jy mors die motor want jy kan dit gebruik om ver te ry, om baie dinge te sien en te geniet.

Net so met ons liggaam. Ons lewe in hierdie wêreld en binne hierdie fisiese liggaam het ons instrumente wat ons in staat stel om buite hierdie wêreld te vlieg, soos 'n ruimtevaarder wat binne 'n vuurpyl sit. Die vuurpyl is sy instrument en hy moet toesien dat die fisiese wette nie oortree word nie sodat daar veilig en vinnig gevlieg kan word. Maar die ruimtevaarder is belangrik. Hoewel die vuurpyl hom na sy bestemming vervoer is die vuurpyl nie die belangrikste nie; die ruimtevaarder en die bestemming is. As hy die vuurpyl gebruik net om in die stad rond te vlieg is dit 'n vermorsing van tyd en geld.

Ons liggaam is baie waardevol omdat die Meester daarbinne is. In die Byel staan dit: **Weet jy dan nie dat jy die tempel van God is nie en dat die Almagtige God binne jou is nie**, die Heilige Gees. Dit is dieselfde. Beseef julle hoe geweldig belangrik dit is dat die Heilige Gees of die Almagtige God binne ons woon. Mense lees dit vinnig en beseef nie die belangrikheid van hierdie sin nie; hulle probeer nie eens uitvind nie.

Dit is waarom my dissipels daarvan hou om my leerstellinge te volg. Hulle kan nou uitvind wie binne (die liggaam) sit en wat buite hierdie wêreld is, afsonderlik van ons alledaagse stryd, ons pogings om geld te verdien en al ons fisiese probleme.

Daar is baie skoonheid, vryheid en kennis binne ons. Ons moet net weet hoe om daarmee in aanraking te kom. Dit is ons s'n omdat dit binne ons is. Ons het lank gelede die huis gesluit en vergeet waar die sleutel is. Ons het vergeet dat ons hierdie skat besit. Dit is al.

Die sogenaamde Meester is die een wat ons kan help om die deur oop te maak en ons te wys wat in elk geval aan ons behoort. Maar ons moet instap, tyd bestee en elke item wat ons besit nagaan.

So, in ieder geval, ons was in die Tweede Wêreld. Wil julle graag verder gaan? (Gehoor: Ja! Ja!) Julle wil alles weet sonder om te werk? (Meester lag). Ten minste kan iemand wat reeds daar was julle vertel hoe 'n ander land lyk waar julle nog nie was nie. Goed. Ten minste stel julle belang. Dalk wil julle daarheen gaan. Nou, na die Tweede Wêreld. Ek is nie klaar met die Tweede nie maar ons kan nie heeldag hier sit nie. Na die Tweede het jy meer vermoëns. As jy vasbeslote is en daarvoor werk sal jy na die Derde gaan, die sogenaamde Derde Wêreld. Dit is 'n hoër stap.

Die een wat na die Derde Wêreld wil gaan moet volkome van alle skuld in hierdie wêreld gereinig wees. As ons iets aan die koning van hierdie wêreld verskuldig is kan ons nie opgaan nie. Dit is dieselfde as jy 'n misdadiger in 'n sekere land is, as jou rekord nie skoon is nie kan jy nie die grens oorsteek na 'n ander land nie. Die skuld van hierdie wêreld sluit baie dinge in, wat ons in die verlede en in die teenswoordige gedoen het, selfs wat ons in die toekoms in ons lewe op aarde gaan doen.

Al hierdie dinge moet gesuiwer word. Dit is baie soos om deur die doeane te gaan. So moet daar seker gemaak word dat jy geen skuld het voordat jy na die volgende wêreld kan opgaan. In die Tweede Wêreld moet daar gewerk word aan enige oorblywende karma van die hede en die teenswoordige lewe. Sonder karma van die verlede kan ons nie in hierdie wêreld lewe nie.

Daar is twee verskillende soorte Meesters. Die wat sonder karma is maar karma moet leen om in hierdie wêreld te kan leef. Die ander Meesters is soos ons; gewone mense maar met gesuiwerde karma. So, enigeen kan 'n Meester word. Meesters kan ook hiernatoe afdaal met geleende karma. Hoe klink dit vir julle, om karma te leen? (Meester lag). Dit is moontlik.

Byvoorbeeld, voordat jy afgekom het hiernatoe was jy vantevore reeds hier. Jy het met verskillende mense, oor 'n lang tydperk, oor honderde jare, gegee en geneem. Dan gaan jy terug hemel toe, na jou blyplek ver weg tot ten minste die Vyfde Vlak. Dit is die tuiste van die Meesters. Maar bo dit is daar nog baie vlakke.

Ons kan terugkom as gevolg van medelye of deur werk wat vir die Vader gedoen moet word. Omrede van affiniteit met persone uit die verlede kan ons karma van hulle rekening leen. Dit is net skuld. Daar is niks mooi omtrent die mense nie. Ons leen die karma en betaal dit terug met ons geestelike krag, stadig totdat ons ons werk hier afgehandel het. Daar is ook die Meesters wat van hierdie wêreld is, hulle wat oefen en Meesters word soos iemand wat gradueer. Dit is baie soos universiteit, soos studente wat professore word. Daar is nuut gegradueerde professore en die wat lankal professore is. So is daar verskillende grade van Meesters.

Wanneer ons na die Derde Wêreld gaan moet ons absoluut skoon wees van enige karma. Karma is die wet van: **Wat jy saai sal jy maai**. Soos wanneer ons 'n lemoensaad plant en lemoene kry; so lewer 'n appelsaad appels. So is dit met karma. In die Sanskrit taal beteken dit oorsaak en gevolg. Die Bybel praat nie van karma nie maar sê, **wat jy saai sal jy maai**. Dit is dieselfde ding.

Die Bybel is 'n verkorte vorm van die Leerstelling van die Meester. Sy lewe was buitendien ook verkort. Daarom is daar nie veel verduidelikings in die Bybel nie. Baie weergawes van die Bybel is gesensor om die sogenaamde leiers van sekere bewegings, persone wat nie noodwendig geestelik georiënteerd was nie, te pas. Ons weet dat die ware Bybel effens anders was, effens langer, meer presies en makliker om te verstaan. In elk geval, omdat ons meeste daarvan nie kan bewys nie praat ons nie daarvoor nie ingeval ons van godslastering beskuldig word. Ons sê net wat ons kan bewys.

Nou vra julle my: "U praat van hierdie Tweede Wêreld, die Derde en selfs 'n Vierde. Hoe kan U dit bewys?" Ek kan dit bewys. As jy met my op dieselfde pad saamloop sal jy dieselfde dinge sien. As jy nie saamloop nie kan ek dit nie bewys nie. Natuurlik. Ek kan dus waag om daarvoor te praat omdat daar bewyse is. Honderde duisende dissipels dwarsoor die wêreld is daar as bewys. Ons kan dinge sê wat ons weet. Maar hierin moet jy met my saamloop, jy moet loop. Andersins kan jy nie sê, "Loop u vir my, vertel my en wys my alles." Ek kan dit nie doen nie.

As ek nie in hierdie vertrek in die VN is nie maak dit nie saak hoeveel ek julle van hierdie vertrek vertel nie. Ek het dit nie self ondervind nie. Reg? Ons moet met 'n gids praat wat daar was. Ek het 'n paar dissipels van verskillende nasionaliteite in hierdie vertrek wat die ondervindinge gehad het waarvan ek praat. Sommige gedeeltelik, ander ten volle.

En so, na die Derde Wêreld is dit nog nie alles nie. Wat ek julle vertel het is net 'n deel van alles. Dit is soos 'n reisverhaal waarvan net 'n klein deeltjie vertel is en nie eens in fyn besonderheid nie. Al lees ons 'n boek oor 'n sekere land is dit nog nie die werklike land nie. Goed? Ons het baie boeke oor verskillende lande in die wêreld maar ons sal daarvan hou om self daarheen te gaan. Ons weet van Spanje, Tenerife en Griekeland maar dit is maar net films en boeke. Ons moet fisies daarheen gaan om die vreugde daarvan om eintlik daar te wees te smaak, om die kos te geniet wat hulle aanbied, die heerlike water van die see, die pragtige weer, die vriendelike mense en die atmosfeer wat ons nie kan ondervind deur boeke te lees nie.

In elk geval, veronderstel jy is die Derde Wêreld verby. Wat volgende? Natuurlik gaan jy na die hoër een, die Vierde. En die Vierde Wêreld, dit is werklik buitengewoon. Ons kan nie eenvoudige taal gebruik om al hierdie dinge aan leke te verduidelik nie uit vrees dat ons die Heerser van daardie wêreld dalk mag te nakom nie. Daardie Wêreld is so mooi hoewel daar sekere dele daarvan is wat baie donker is, so donker soos wanneer daar 'n kragonderbreking in New York is. Het julle al 'n kragonderbreking in 'n groot stad ondervind? Ja. Dit is donkerder as dit. Voordat jy die Lig bereik is dit donkerder as dit. Dit is soos 'n verbode stad. Voordat ons God se kennis bereik word ons gestop, daar. Maar met 'n Meester, een wat oor die ondervinding beskik, kan ons deurgaen. Anders sal ons nooit die pad deur hierdie wêreld vind nie.

Wanneer ons verskillende vlakke van ontwikkeling bereik ondervind ons nie net geestelike veranderings nie maar ook fisiese veranderings, intellektuele veranderings; alles in ons lewe verander. Ons sien die lewe op 'n ander manier, ons loop anders, ons werk anders. Selfs ons werk, ons daaglikse werk, neem 'n ander betekenis aan.

Ons begryp waarom ons op daardie bepaalde manier werk, waarom ons die spesifieke werk het. Ons verstaan ons doel in die wêreld, ons voel nie meer rusteloos en gespanne nie, ja.

Ons wag tevrede en geduldig om ons roeping op aarde te voltooi omdat ons weet waarheen ons op pad is. Ons weet dit terwyl ons lewe. Dit is wat bedoel word by "sterf terwyl ons leef". Ja, ja! Ek veronderstel sommige van julle het reeds van soiets gehoor en ek weet van geen Meester wat anders

kan praat nie (Meester lag). Ons moet die eintlike vreugde van die innerlike ondervindinge geniet.

Hoe kan iemand 'n Mercedez Benz anders as 'n Mercedez Benz beskryf? Dit moet dieselfde ding wees. Enigeen wat 'n Mercedez Benz besit sal dit op dieselfde manier beskryf. Ek praat in gewone taal met julle oor dinge wat nie gewoon is nie, oor dinge wat ons vir onself moet ondervind, met werk, opregtheid en met 'n gids. Dit is veiliger so. Dit kan miskien een uit 'n miljoen keer gebeur dat ons dit op ons eie kan bereik, met gevaar, risiko en onseker resultate. Dit is nie veilig nie.

Sommige persone in die verlede, soos byvoorbeeld Swedenborg, het op 'n manier op sy eie reggekom. Gurdjieff was veronderstel om dit op sy eie te maak het-hy het die hele pad alleen geloop. Wanneer ek van sommige van hierdie mense lees, hierdie werk, besef ek dat hulle nie sonder gevaar en baie moeilikheid was nie. Hulle het ook nie noodwendig die hoogste vlak bereik nie.

Daarna gaan jy na 'n hoër vlak, na die Tuiste van die Meester, die Vyfde Vlak. Alle Meesters kom daarvandaan. Al is hulle vlakke hoër as dit sal hulle steeds daar woon. Dit is die woonplek van die Meesters. Bo dit is daar baie aspekte van God wat moeilik is om te begryp. Ek is bang dat ek julle mag verwar en daarom sal ek julle miskien later vertel. Of later wanneer julle ge-inisieer is, sal jy meer voorbereid wees; ek sal jou dan wonderlike dinge omtrent jou verbeelding vertel. Hoe dit somtyds parte speel oor ons idees aangaande God.

Vraag en Antwoord sessie na die Lesing

V: U het genoem dat die Meester mense se karma kan leen. Word die karma in hierdie geval vir dié mense uitgewis? Wat is die gevolg vir hulle?

M: Die Meester kan enigeen se karma uitwis as dit is wat die Meester verkies om te doen. Inderwaarheid moet alle vorige karma van die dissipel tydens inisiasie uitgewis word. Ek laat jou net met die huidige karma sodat jy met hierdie lewe kan aangaan. Anders sal jy dadelik sterf. As jy geen karma het nie kan jy nie hier lewe nie. Daarom wis die Meester net die opgehoopde karma uit sodat die mens skoon is. Daar word net genoeg karma gelaat om in hierdie lewe aan te gaan om te doen wat gedoen moet word. Daarna sterf hy. Dit is waarom hy kan gaan. Hoe kan hy bly? Verstaan julle?

V: Wat is die doel van U beoefening?

M: Wat is die doel? Het ek nie gesê nie? Om bo hierdie wêreld te gaan, om na die Koninkryk van God terug te keer, om jou eie wysheid te ken, om selfs in hierdie lewe 'n beter mens te wees.

V: Is daar karma op alle vlakke?

M: Nee, net tot by die Tweede Vlak omdat ons verstand, ons brein, die rekenaar in die Tweede Vlak "vervaardig" word. Wanneer ons al die pad van die hoër vlakke afgaan na die fisiese vlak om sekere werk te doen; selfs as die Meester van die Vyfde Vlak afgaan na die fisiese wêreld moet hy deur die Tweede Vlak gaan om sy "rekenaar" op te tel en dit in te stel om hier op aarde te kan funksioneer. Dit is soos 'n duiker wat in die see afgaan wat moet voorberei deur 'n masker op te sit en suurstof op te koppel. Hy mag self nie te sleg lyk nie maar as hy die masker op het lyk hy soos 'n padda. Nou dit is

hoe ons lyk met hierdie “rekenaar” en die fisiese hindernisse. Andersins lyk ons absoluut pragtig. Selfs al dink jy jy lyk nou mooi is jy lelik in vergelyking met wat jy regtig is, as gevolg van al die instrumente wat nodig is om diep te duik.

Wanneer ons deur die Tweede Vlak teruggaan na bo, laat ons die “rekenaar” daar omdat ons dit nie meer nodig het nie. Presies soos die duiker wat, as hy die strand bereik, die masker en duiktoerusting afhaal en weer lyk soos hy is. Goed?

V: U het gesê dat aan die einde van die Tweede Wêreld, voordat jy opgaan, jy al jou karma agterlaat of dat jy die bedoeling moet hê om al jou karma te suiwer. Beteken dit ook dat jy met al die karma van vorige lewens saam met jou in hierdie lewe inkom?

M: Ja. Sonder die “rekenaar” kan jy niks registreer nie. Ons het net karma omdat ons hierdie rekenaar het, die verstand, die brein wat instrumente is om al ons ondervindinge te registreer. Dit is waarom ons die verstand het. Goed of sleg, alles word hier opgeteken. Dit is wat ons karma noem. Karma is wat? Ondervinding, goed of sleg, ons reaksies, ons ondervindinge in vele leeftye. Omdat ons ‘n sogenaamde gewete het weet ons dat ons moet goed wees en dat ons somtyds kwaadgedoen het. Ons noem dit karma. Die slegte dinge weeg swaar op ons soos vullis en bagasie soos met die wet van swaartekrag. Dit trek ons af en maak dit moeilik om die berg te klim. Omrede die baie morele dissiplines van hierdie wêreld, al die reëls, gewoontes en tradisies van die verskillende nasies word ons gebind aan hierdie sogenaamde opvattinge van goed en sleg, van skuld en onskuld.

In ons interaksies met mense in hierdie wêreld het ons ondervindinge van goed en kwaad, skuld en onskuld ooreenkomstig die gewoontes, tradisies en wette van ‘n bepaalde volk. Om op ‘n sekere manier te dink word ‘n gewoonte. As ons dit doen voel ons skuldig. As ons dit doen is ons slegte mense. Van alles word rekord gehou. Dit is wat veroorsaak dat ons transmigreer en ons aan hierdie wêreld of een effens hoër, gebind is. Ons is nie hoog genoeg nie, nie vry genoeg nie. Ons is nie lig genoeg om hoër te sweef nie. Dit is omrede hierdie opvattinge wat ons koester.

V: Is dit voorafbepaal dat ons by geboorte in ‘n sekere leeftyd op ‘n sekere vlak sal wees?

M: Nee. Ons het vrye wil om te besluit of ons vinniger of stadiger wil beweeg. Byvoorbeeld, jou motor. Jy kan ‘n honderd liter petrol ingooi. Jy kan vinniger gaan en jou bestemming vinniger bereik of jy kan stadiger gaan. Dit hang van jouself af.

V: Ek wil u net vra: die engele, op watter vlak is hulle?

M: Op watter vlak is hulle? O, dit hang af watter soort engele?

V: Die beskermengele.

M: Die beskermengele. Hulle kan tot op die Tweede Vlak wees. Engele het minder prestige as mense. Hulle is daar om ons te dien.

V: Gaan hulle nie hoër as dit nie?

M: Nee! Behalwe wanneer hulle mense word. Engele is baie jaloers op mense omdat God binne hulle (mense) woon. Ons beskik oor al die vermoëns om een met God te word. Die engele nie. Dit is ingewikkeld. Ek sal later met julle daaroor praat.

Hulle is ook vir ons gebruik geskape-die verskillende soorte engele. As God hulle geskape het is dit om ons te dien. Hulle behoort nie en hoef ook nie verder as dit te gaan nie. Hulle kan egter. Somtyds word iets spesifiek geskape met die doel om verbetering teweeg te bring. In jou huis het jy sekere dinge vir jou eie gerief gemaak. Dit is fantasties. Jy kan op 'n plek sit en al jou huis se ligte aan en afsit, so ook jou televisie. Die apparaat wat jy gebruik is daar om jou te dien. Hoewel hierdie apparaat in sekere opsigte beter as jy is en jy die taak nie met menslike pogings kan uitvoer nie beteken dit nie dat hierdie apparaat beter as jy is nie. Dit is net in sekere opsigte beter as jy en tog is dit nie. Goed, 'n rekenaar kan nooit 'n mens wees nie.

V: Meester Ching Hai, ek wil weet- is ons nou in hierdie liggaam omdat ons voorheen nie daarin geslaag het om bevryding te bereik nie? Was ons altyd in hierdie toestand of was ons voorheen in 'n beter toestand? Wat is 'n goeie gesindheid of gemoedstemming om vinnig vooruit te gaan?

M: Om die liggaam te laat en aan te gaan? Ja, ons kan as ons weet hoe. Daar is baie maniere om die liggaam te verlaat en na 'n hoër wêreld te gaan. Sommige (mense) gaan nie ver nie, ander weer baie ver. Daar is persone wat enduit gaan. Na aanleiding van die vergelykings wat ek getref het met my navorsing terwyl ek jonk was, ek lyk steeds jonk maar ek was toe jonger, is ons metode die beste. Dit stel ons in staat om tot die uiteinde te gaan.

Daar is baie metodes. As jy wil eksperimenteer kan jy kies. Daar is baie. Sommige gaan tot by die Astrale Wêreld, sommige tot die Derde, die Vierde maar min na die Vyfde. Ons gaan tot by die Vyfde Vlak. Met ons metode neem ons jou na die Vyfde voor ons jou vrystel. Ons laat jou dan alleen. Bo die Vyfde vlak is daar ander aspekte van God wat nie altyd aangenaam is nie.

Ons verbeel ons dat hoe hoër hoe beter maar dit is nie altyd so nie. Ons gaan byvoorbeeld na 'n pragtige paleis en word genooi na die saal waar die meester hom bevind. Ons sit daar en word bedien met heerlike kos en koeldranke. Ons dink dan daaraan om verder die paleis binne te gaan, net om te kyk. Ons gaan na die plek waar die vullis geberg word of waar die krag is en word geskok en sterf. Dit is nie altyd aan te beveel of nodig om dieper in te gaan nie. Ons kan egter ter wille van die ondervinding gaan.

V: Ek het twee vrae. Die een is, uit watter wêreld kom herinneringe van vorige lewens, dit is, sou jy so 'n herinnering ervaar? Tweedens, watter verband het vorige lewens met huidige karma en jou huidige begrip. Is dit deel van die oorskot bagasie?

M: Ja. Ja. Daar is 'n besliste verband. Eerste vraag, waar kom vorige karma vandaan. Jy kan sekerlik jou vorige lewensrekords lees. Soos ek reeds vir julle gesê het, kom vorige lewensrekords uit die Akashic rekords.

Dit is 'n tipe biblioteek wat op die Tweede Vlak geleë is en wat toeganklik is vir enigteen wat hierdie bepaalde vlak kan bereik. Nie almal kan toegang tot die VN se rekords kry nie. Ek kan want ek is vandag genooi om hier te praat. Reg? Nie almal kan inkom nie maar julle kan want julle is op 'n manier hier woonagtig. Op dieselfde manier, as julle toegang tot die Tweede Wêreld het kan julle vorige lewens lees. Selfs ook as ons toegang tot die Eerste Wêreld het kan ons tot 'n mate in die rekords van ander sien. Dit is egter nie 'n baie volledige rekord nie.

Watter verband het hierdie vorige lewensondervindinge met huidige karma? Ons sou kon sê dat dit

ondervindinge is wat geleer is om ons in staat te stel om die huidige leeftyd te kan hanteer. Wat jy in die verlede ge-assimileer het sal jy in die huidige lewe toepas. Te veel onaangename ondervindinge in die verlede kan veroorsaak dat jy bang word as jy 'n simbool sien wat ooreenstem met 'n (onaangename) insident uit die verlede. Jy het byvoorbeeld in 'n vorige lewe in die donker van 'n trap afgeval, jousef erg seergemaak en daar was geeneen om jou te help nie. As jy nou by 'n trap afstap en veral as dit donker is, mag jy 'n soort innerlike stryd ervaar. Ook, as jy in 'n vorige lewe 'n sekere wetenskaplike veld diep bestudeer het sal jy vind dat jy steeds daarin belangstel. Jy het 'n trek vir wetenskaplike navorsing hoewel jy nie nou 'n wetenskaplike is nie. Enigiets soortgelyks.

Dit is waarom Mozart op vierjarige leeftyd 'n genie was. Hy het reguit na die klavier gegaan en beroemd geword. Hy is selfs nou beroemd. Hy was 'n genie omdat hy in vorige lewens ge-oefen het totdat hy meesterskap bereik het. Voordat hy die toppunt van sy beroep bereik het het hy gesterf. Hy was nie tevrede om sy beroep te los nie omdat hy lief was vir musiek. Hy kom terug en bring al die geleerde ondervindinge van sy vorige musiek talent met hom saam omdat hy so 'n sterk begeerte gehad het om daarmee aan te gaan toe hy gesterf het.

Van hierdie mense leer baie dinge in die Astrale Wêreld of die Tweede Vlak voordat hulle op hierdie aarde hergebore word. Hulle is daarom fantasties begaafd in die wetenskappe, musiek, literatuur of op die gebied van uitvindings, dinge wat ander mense nie weet nie, uitstaande uitvindings wat ander mense glad nie verstaan nie, dinge wat hulle nie eens oor kan droom nie. Omdat hulle dit gesien het, het hulle dit geleer.

Daar is daarom twee maniere van leer in hierdie en die hoër wêreld. Hulle is die begaafdes, die uitstaandes, soos genieë, die deskundiges uit die hoër wêreld. Hulle is afkomstig uit die Astrale, die Tweede en selfs uit die Derde Wêreld mits hulle verkies om terug te kom. Hulle is uitstekend. Hulle is genieë.

V: Wat behels u inisiasie spesifiek en wat behels die dag tot dag beoefening na inisiasie?

M: Dit is eerstens gratis en behels geen verpligting nie behalwe dat jy jousef verbind as jy verkies om verder te gaan. Die voorwaardes- geen ondervinding word benodig nie. Geen vorige kennis oor yoga of meditasie word vereis nie. Jy moet jousef egter verbind tot 'n lewenslange vegetariese dieët; geen eiers nie; melk is goed; kaas is goed. Enigiets sonder doodmaak is goed.

Eier, omdat dit halwe doodmaak behels selfs al is die eier onvrugbaar. Dit het ook 'n eienskap, 'n neiging om negatiewe magte aan te trek. Dit is waarom mense wat beide wit en swart toorkuns of voodoo beoefen, eiers gebruik om besete entiteite aan te trek. Het julle dit geweet? (Iemand antwoord: Ja.) Jy weet? Dit is wonderlik. Ten minste het ek onmiddellike bewys al het ek nie die onmiddellike ligervaring vir jou nie. (Gelag)

Ten tye van inisiasie ondervind jy die Lig en die Klank van God. Die Musiek van die gees wat jou optrek na 'n hoër vlak van bewussyn. Jy sal die smaak van Samadhi verstaan-die diep vrede en vreugde. Daarna oefen jy by die huis, as jy ernstig is. As jy nie is nie kan ek jou nie druk nie, ek kan jou nie pla nie. As jy aangaan en jy wil hê ek moet jou al die pad help dan gaan ek aan. As jy nie wil nie is dit maar so. Twee en 'n half uur per dag meditasie. Staan vroeg op in die oggend en mediteer twee ure en dan 'n halfuur in die middag of voor jy gaan slaap. Wanneer ek nie hier is om te praat nie het jy 'n uur etenstyd. Jy kan iewers wegkruip en mediteer. Dit is reeds 'n uur. In die aand 'n uur of 'n halfuur. In die oggende staan jy net 'n uur vroeër op.

Beheer jou lewe meer; minder TV, minder gesels, minder telefoon, minder koerante, dan het jy genoeg tyd. Ja, ons het genoeg tyd maar ons vermors baie daarvan. Net soos ons motor waarmee ons in die agterplaas ry in plaas daarvan om die oop pad aan te durf. Is jy tevrede daarmee? Daar is geen voorwaardes vir jou nie, niks behalwe dat jy jouself verbind tot hierdie lewenslange gewoonte. En jy sal elke dag veranderinge ten goede in jou lewe ondervind, verskillende wonderwerke.

Nie dat jy daarvoor wens nie. Dit sal in elk geval gebeur. As jy ernstig is hieroor sal jy ondervind wat hemel op aarde is. Dit is waarom honderde duisende van ons dissipels steeds aanhou en na al die jare by my bly, omdat hulle beter en beter ondervindinge het, omdat hulle ernstig is en oefen.

V: Verduidelik asseblief die aard van bewussyn.

M: Die aard van bewussyn, goed. Dit is moeilik om te verduidelik maar jy kan jou intelligensie gebruik om dit in jou verbeelding voor te stel. Dit is 'n tipe wysheid soos wanneer jy iets beter weet as ooit tevore. Ja, jy weet iets wat bo hierdie wêreld is, jy weet iets in hierdie wêreld wat jy nie tevore geweet het nie, jy verstaan dinge wat jy nie tevore verstaan het nie.

Dit is bewussyn. Wanneer jy hierdie bewussyn open, hierdie sogenaamde wysheid, sal jy waarlik verstaan wie jy is en waarom jy hier is en wat anders bo hierdie wêreld is en wie anders afgesien van ons hier op aarde. Daar is baie dinge. Die vlak van bewussyn is amper soos verskillende grade van begrip, soos om op universiteit te gradueer. Hoe meer jy leer, hoe meer weet jy totdat jy gradueer.

Dit is moeilik om iets wat abstrak is te verduidelik maar ek het probeer. Dit is 'n tipe bewustheid (awareness). Dit is (ook) moeilik om bewustheid te verduidelik. Wanneer jy na verskillende hoër vlakke van bewussyn beweeg is jou bewustheid anders. Jy ervaar dinge anders, jy voel anders. Jy ervaar absolute vrede, kalmte, saligheid. Jy het geen bekommernisse nie en alles in jou daaglikse lewe word vir jou duidelik. Jy weet hoe om dinge te hanteer en probleme beter op te los. Dit is voordelig op die fisiese vlak. En binne jou; hoe jy voel, dit weet net jy. Dit is moeilik om hierdie dinge te verduidelik. Soos wanneer jy getroud is met die meisie wat jy liefhet- hoe jy voel, net jy weet dit. Niemand anders kan dit vir jou voel nie.

V: Eerbare Meester, dankie vir die insig wat U ons gegee het. Ek wonder of U sal omgee om U uit te spreek oor iets wat op my gewete rus. Waarom is dit dat so baie Meesters wat vandag op aarde is ons 'n geleentheid gun om so vinnig te leer terwyl dit in die verlede so moeilik was? Kan U Uself daarvoor uitspreek?

M: Ja, natuurlik. Omdat kommunikasie nou in ons tyd beter is. Ons weet nou meer oor Meesters, nie dat Meesters in die verlede nie bestaan het nie of dat hulle nie toeganklik was nie. Dit is natuurlik waar dat sommige Meesters meer toeganklik is as ander. Dit is sy keuse, sy gewilligheid om te gee, sy affiniteit met mense in geheel. In alle tye is daar een, twee, drie, vier, vyf Meesters. Dit hang af van die behoefte van die tyd. Ons is nou meer bewus van die teenwoordigheid van verskillende Meesters, miskien selfs verskillende grade van Meesters omdat ons in hierdie tye oor die voordeel van die massamedia beskik. Ons het televisie, radio uitsendings en boeke wat ons in miljoene, in duisende miljoene kopieë, baie vinnig kan druk.

In die verlede, om een boek te druk moes 'n hele boom met baie ongesofistikeerde byle afgekap word, byle wat gou niks werd was nie. Die byle moes met klippe skerp gemaak word. Een woord na die ander moes met groot moeite uitgekerf word. As jy 'n stel Bybels wou vervoer het dit 'n hele konvooi trokke geverg, as daar daardie tyd trokke was natuurlik.

Ja, vandag is julle gelukkig. Julle kan inkopies doen en kies wat (Watter Meester) julle wil hê. Niemand kan julle kul en sê: "Ek is die beste" nie. Julle kan vergelyk deur julle wysheid en intelligensie te gebruik en daarvolgens te oordeel. "Ek hou meer van hierdie een" of "Hierdie een is beter" of "Daardie een se gesig lyk vreeslik" en "Daardie een- lelik" (Gelag)

V: Aangesien U oor inkopies gepraat het, sal U oorweeg om iemand te inisieer wat deur 'n ander Meester ge-inisieer is?

M: Ek sal dit net doen as die persoon waarlik glo dat ek hom gouer na 'n hoër vlak kan neem. Andersins is dit beter om by jou eie Meester te bly as jy baie aan hom geheg voel en geloof in hom het. As jy voel jou Meester is die beste, moenie verander nie. As jy twyfel en jy het nie die Klank en die Lig wat ek genoem het nie, moet jy probeer verander. Klank en Lig is die standaard maatstaf vir 'n Meester. Enigeen wat nie dadelik die Klank en die Lig vir jou kan gee nie is nie 'n ware Meester nie. Ek is jammer om dit te sê. Die pad na die hemel is toegerus met Lig en Klank.

Dit is net soos wanneer jy in die see gaan duik. Jy moet toegerus wees met 'n masker en suurstof. Dinge dien verskillende doele. Dit is waarom jy heiliges sien met 'n stalekrans bo hulle koppe. Dit is Lig. Wanneer jy hierdie metode volg straal jy dieselfde lig uit as wat jy in die prente van Jesus sien. Mense wat psigies is kan dit sien. Hulle kan jou lig sien. Dit is waar die prente van Jesus en Boeddha met die lig om hulle vandaan kom. Jy kan self beoefenaars met hierdie lig om hulle sien as jy oopgemaak is. (Meester beduie na Haar voorkop) Daar is baie mense wat dit kan sien. Het enige van julle al gesien? Van julle hier? Jy? Wat het jy gesien?

V: Wel, ek kan auras sien, auras...

M: Ja, maar auras is anders as lig. Auras is verskillende kleure, soms swart, soms koffiekleur, geel, rooi. Dit hang af van die temperament van die persoon op daardie stadium. Maar wanneer jy 'n persoon sien met 'n sterk geestelike aura weet jy dat dit anders is. Reg?

V: Ek het nie regtig 'n vraag nie. Ek het vir 'n rukkie Raja Yoga beoefen. Ek het gedink dat ek auras gesien het. Ek bedoel, op daardie stadium het ek nie veel kennis of begrip gehad nie.

M: En jy sien dit nie nou nie? Jy sien dit net somtyds?

V: Nee, ek mediteer nie nou nie.

M: O, dit is waarom jy jou mag verloor het. Jy behoort weer te mediteer. Dit help tot 'n mate. Dit sal jou nie kwaaddoen nie. Goed?

V: Ek het in U boekie gesien dat daar vyf voorskrifte is. Wanneer jy geinisieer is moet jy volgens hierdie voorskrifte lewe?

M: Ja, ja, ja. Dit is die wette van die Heelal.

V: Ek verstaan nie "seksuele wangedrag" nie.

M: Dit beteken dat as jy reeds 'n man het jy nie 'n tweede moet oorweeg nie. (Gelag) Baie eenvoudig. Hou jou lewe meer eenvoudig, geen komplikasies en gestry oor emosies nie. Ja, dit veroorsaak seergemaakte gevoelens vir ander mense. Ons moet andere nie skade berokken nie, selfs emosionele skade nie. Ons moet probeer om konflik, emosionele, fisiese, verstandelike swaarkry, veral vir ons geliefdes, te vermy. Dit is al.

As jy reeds een ('n man) het, moet hom nie vertel nie. Dit maak meer seer as jy vertel. Los dit self stadig en stilte op maar moenie bieg nie. Somtyds dink mense dat as hulle 'n verhouding het hulle moet huistoe gaan en aan die vrou of man bieg, dat dit baie wys en baie eerlik is. Dit is onsin. Dit is nie goed nie. Jy het reeds 'n fout gemaak. Waarom vullis huistoe bring en verwag dat ander dit moet geniet. As hy nie daarvan weet nie, voel hy nie so sleg daarvoor nie. Die wete maak seer. So, ons probeer die probleem oplos en seker te maak dat dit nie weer gebeur nie. Dit is beter om nie met die maat daarvoor te praat nie omdat dit sal seermaak. Dit sal albei seermaak.

V: Ek het opgemerk dat meeste geestelike Meesters 'n goeie sin vir humor het. Wat is die verband tussen humor en geestelike beoefening?

M: Ek dink hulle voel net gelukkig, ontspanne en lighartig oor alles. Hulle kan vir hulleself lag en vir ander, vir die belaglike dinge in die lewe, wanneer mense so krampagtig klou en dinge so ernstig opneem.

Wanneer ons oefen raak ons "los", ons voel nie meer so ernstig nie. As ons môre doodgaan dan gaan ons dood, as ons lewe dan lewe ons. As ons alles verloor dan verloor ons alles en as ons alles het, het ons alles. Ons het nadat ons die Goddelike Lig ervaar het die wysheid en vermoë om in alle situasies na onself om te sien. Ons is vir niks bang nie. Ons verloor ons vrees, ons ang. Dit is waarom ons ontspanne is. Ons voel losgemaak van hierdie wêreld. Wat ons ookal wen of verloor beteken nie meer veel nie. As ons baie baat is dit vir die gebruik van ander mense; ons bied aan en tot die voordeel van ons geliefdes. Andersins beskou ons nie ons of ons lewens as belangrik genoeg om deur al die gesukkel en swaarkry te gaan om ons lewens te preserveer nie. As ons dit preserveer is dit goed. Dit beteken nie dat ons heeldag in die bed is nie of op 'n bed van spykers sit en mediteer nie. Maar ons werk wel.

Ek werk byvoorbeeld steeds. Ek doen skilder- en handwerk om 'n lewe te verdien. So, ek neem geen donasies van geneen nie. My verdienste is selfs genoeg sodat ek ander mense kan help soos die vlugtelingen en die rampslagoffers. Waarom sal ons nie werk nie? Ons het soveel talente en vermoëns en die lewe is na die Ligervaring so maklik dat daar geen rede is om te bekommer nie. Ons ontspan net natuurlik. Dit is hoe humorsin gebore word. Ek dink dit is wat dit is.

Vind julle my humoristies? (Gehoor: Ja) (Gelag en Applous) Dan moet ek seker 'n soort Meester wees hm? (Gelag) Laat ons so hoop, om julle ontwil, dat julle nie vir twee ure na 'n onverligte persoon moes luister nie en julle tyd gemors het nie.

V: Ons kry altyd stories en teorieë op die vrae wat ons as soekende siele vra. Ek sal graag wil hoor wat U daarvoor te sê het. Die eerste is: Wie is ons? Wie is ek? Hoe het ek in die verknorsing beland dat ek moet teruggaan Huistoe? Hoekom het ek my Huis verlaat en waarom is dit belangrik om daarheen terug te gaan? U het gepraat van teruggaan na die Vyfde Vlak, dat dit nie noodwendig belangrik is om verder te gaan nie. Maar as daar 'n hoër vlak is, wat is die doel daarvan? Hoe raak dit my as ek nie noodwendig daarheen moet gaan nie?

M: Nou raak dit humoristies.(Gelag en applous) Met betrekking tot die vraag “Wie is ek?”: Dit kan jy aan ‘n Zen meester vra. Hulle is volop hier in New York Staat. Jy kan in die Geelbladsye kyk en daar een vind. (Gelag) Ek is nie daarin gespesialiseer nie.

Op die vraag “Waarom is jy hier?”. Dalk omdat jy daarvan hou om hier te wees. Omdat ons die kinders van God is, wie kan ons dwing? Die sogenaamde kinders van God is soos God Homself. Nee? In sekere aspekte is die prins soos die Koning of die toekomstige Koning. Dit is net omdat hy daarvan hou om op ‘n sekere plek te wees dat hy daar is. Ons beskik in elk geval oor vrye wil om te kies of ons in die hemel wil wees of elders waar ons ondervinding wil opdoen. Jy het waarskynlik aan die begin, lank terug, self besluit om iets meer avontuurlik te leer. Sommige mense hou van angswekkende ervarings.

As voorbeeld kan ‘n prins wat in ‘n paleis kan wees verkies om in ‘n oerwoud rond te dwaal omdat hy daarvan hou om die natuur te ondersoek. Dit kan wees dat ons so verveeld in die hemel was waar alles vir ons gereed was, dat ons in alle opsigte bedien is, net soos die prins in die paleis, dat ons gevoel het ons wil self iets doen. Net soos die koninklikes wat af en toe vir hulleself wil kook en nie bediendes naby hulle wil hê nie. Hulle wil hulleself met tamatiesous en olie besmeer en vir die pret en alles om hulle bemors. Hulle wil dit geniet.

Ek het byvoorbeeld mense wat vir my bestuur. Oral waar ek gaan wil mense graag my bestuurder wees. Maar somtyds wil ek graag self bestuur. Ek ry op my klein driewiel, nie-rokend, elektries, teen tien kilometer per uur. Ek hou daarvan want oral waar ek gaan merk mense my op. Daar is kere wat ek verkies om te gaan waar mense my nie ken nie. Ek is baie skugter behalwe wanneer ek tydens ‘n lesing moet praat. Dit is omdat dit ‘n plig geword het sedert mense my uitgegrawe het en my beroemd gemaak het. Ek kan nie so dikwels weghardloop nie maar raak tog somtyds weg, vir so twee of drie maande. Soos ‘n bedorwe vrou wat vir haar man weghardloop. Dit is daarom my keuse.

Miskien het jy verkies om vir ‘n rukkier hier te wees. Miskien is dit tyd dat jy wil teruggaan omdat jy genoeg geleer het van hierdie wêreld. Jy voel dalk dat daar niks is wat jy meer wil leer nie, dat jy moeg gereis is. Jy wil rus. Gaan Huistoe, rus eers en kyk dan of jy weer op ‘n avontuurtog wil gaan. Dit is al wat ek nou daarvoor kan sê.

En waarom moet jy Huistoe gaan? En waarom die Vyfde en nie die Sesde nie? Dit hang van jou af. Na die Vyfde kan jy gaan waar jy wil. Daar is baie vlakke hoër op maar dit is meer gemaklik daar (Op die vyfde). Verder op is daar te veel krag. Jy kan vir ‘n rukkier gaan maar miskien wil jy nie rus nie.

Jou huis is byvoorbeeld baie mooi en daar is sekere dele wat ruskamers bevat maar jy wil nie vir altyd daar rus nie. Dit is hoër en mooier maar nie die plek om te rus nie. In die elektriese krag afdeling van die huis is die opwekker. Dit is lawaaierig, warm en gevaarlik. So jy wil nie daar wees nie al is dit nodig vir die huis. Dit is al.

Daar is baie aspekte van God wat ons nie kan indink nie. Ons verbeel ons altyd dat hoe hoër ons gaan hoe meer liefde is daar. Daar is egter verskillende soorte liefde. Liefde kan ru wees, sterk, gemiddeld of neutraal. Dit hang af van wat ons kan verduur. God sal aan ons verskillende grade van liefde gee. Verskillende vlakke. Soms is dit egter so sterk dat ons mag voel dat dit ons uitmekaarskeur.

V: Ek sien soveel verwoesting om my- omgewingsverwoesting. Wreedheid teenoor diere. Ek wonder wat U persepsie daarvan is en wat U aan mense kan aanbeveel wat hulleself op die geestelike manier

van hierdie wêreld wil vrymaak sodat dit hulle sal help om hulle omgewing en die verwoesting om hulle te hanteer. En dink u dat om bo hierdie wêreld te gaan genoeg is om ons te laat beseef wat ons hier agterlaat? Voel U dat ons op hierdie vlak 'n plig het om te probeer om die swaarkry te verlig? Sal dit enigsins help?

M: Dit sal. Dit sal. Ten minste vir ons gewete. Dit laat ons voel dat ons iets doen, dat ons ons bes probeer het om die swaarkry van onmedemens te verlig. Ek help in elk geval. Wat jy vra doen ek, is ek besig om te doen, sal ek doen, het ek gedoen en wil ek doen.

Ek het jou alreeds gesê ons finansies word na verskillende organisasies versprei, of na verskillende lande wanneer daar rampe plaasvind. Ek wil nie daarvoor spog nie maar aangesien jy vra- ons het as voorbeeld verlede jaar die Filippyne gehelp tydens die uitbarsting van Pinatubo. Ons het die vloedslagoffers in Au Lac en Sjina gehelp. Ons probeer nou om die vlugteling uit Au Lac te help ten einde die las op die Verenigde Nasies te verlig, mits hulle wil hê dat ons hulle moet help. Ons probeer help. Ons help finansieel. Ons sal selfs probeer om hierdie mense te hervestig as die VN dit so wil hê en met hulle seën.

Ja, ons doen al hierdie dinge wat julle versoek het en terwyl ons hier is kan ons netsowel ons omgewing soveel moontlik help skoonmaak. Ons help met die swaarkry en die morele standaarde van die wêreld. Beide geestelik sowel as fisies. Ja party mense wil nie geestelike hulp hê nie. Hulle wil net fisiek gehelp word. So help ons hulle geestelik sowel as fisies. Dit is wat ons doen, dit is waarom ek geld moet verdien. Dit is waarom ek nie op mense se donasies wil lewe nie.

Al my monnikke en dissipels moet werk, soos julle ook. En afgesien hiervan help ons geestelik om die lyding van die wêreld te verlig. Ons moet dit doen. Dit beteken nie dat ons die heeldag in Samadhi sit en onself geniet nie. Dit is 'n baie selfsugtige Boeddha (Verligte wese) Ons wil hom nie hier hê nie. (Gelag)

V: U het gepraat van 'n vlak waar ons bewus is dat ons magte het wat uit daardie bewustheid voortspruit. Wat, as jy bewus is van hierdie magte, jy weet nie dat jy oor hulle beskik nie maar jy is bewus van sulke magte? Jy mag voel dat jy oor hulle beskik maar hoe kry jy toegang daartoe? As jy nie toegang daartoe kan kry nie, hoe slaag jy daarin om nie ongeduldig te raak nie? Jy sien dat die proses 'n langsame aardse weg volg terwyl jy weet dat jy kan bid of iets naders doen om die proses te versnel of die saak gouer op te los. Wat beteken dit en hoe kry mens toegang tot die seën wat sal kom? Begryp U wat ek bedoel?

M: Ek verstaan. Ek verstaan. Wat jy bedoel is dat ons oor die mag beskik om dinge te verander maar dat die wêreld op sy stadige burokratiese weg moet aangaan. Hoe kan jy die geduld kry om dit te verdra? Reg? Kan jy net bonatuurlike kragte gebruik of jou vinger daarna wys om die saak te bespoedig? Reg? Nee. Ek het geduld want ek moet teen die pas van die wêreld werk sodat dit nie in chaos verval nie. Ja.

As voorbeeld; 'n kind kan nie hardloop nie. As jy haastig is en wil hardloop sal jy die kind laat struikel en val. Ons moet geduldig wees. Hoewel ons oor die mag beskik om te hardloop moet ons saam met die kind loop. Dit is waarom ek self somtyds gefrustreerd en ongeduldig is maar ek moet myself leer om geduldig te wees. Dit is waarom ek, ter wille van die vlugteling my kop voor een na die ander president moet buig. Ten spyte daarvan wil ons graag finansiële bystand lewer.

Ons sal alles gee wat ons het, miljoene, selfs biljoene dollars. Ons moet deur die burokratiese stelsel gaan. Gee aan die keiser wat die keiser toekom.

Ek gaan nie my vinger na die VN wys om hulle te laat hardloop nie. Nee, nee. Ons veroorsaak rampe in hierdie wêreld as ons bonatuurlike kragte gebruik. Dinge moet hulle verloop neem. Ons kan mense se bewussyn verhoog deur geestelike heling, deur geestelike wysheid en begrip. Ons gee aan hulle die kennis om dit te doen en saam te werk. Dit is die beste manier, nie om bonatuurlike magte te gebruik nie. Ek gebruik nooit doelbewus bonatuurlike magte in enige aspek van my lewe nie. Maar wonderwerke gebeur tog rondom geestelike beoefenaars. Dit is natuurlik maar nie doelbewus nie. Moenie probeer om dinge te druk nie. Dit is nie goed nie. Die kind kan nie hardloop nie. Goed? Is jy tevrede met my antwoord?

Indien enige van my antwoorde jou nie pas nie laat my asseblief weet sodat ek verder kan verduidelik. Maar ek vertrou dat julle baie intelligent is omdat julle die gekose en mees intelligente persone uit al die nasies op aarde is. Daarom brei ek nie te veel uit nie.

Dit is goed dat ons soiets soos die Verenigde Nasies het. Hulle voorkom baie van die wêreld se konflikte en oorloë, hoewel dit nie moontlik is om dit heeltemal uit te skakel nie. Ek lees julle boeke oor die VN en ek het van julle werk gevolg. Ek prys julle pogings en bevoegdheid om gyselaars te red waar ander persone dit nie kon regkry nie. Al die magte in die wêreld kon hulle nie red nie en een kommissaris van die VN kry dit reg. Ja en daar is nog baie ander dinge betreffende rampverligting en vlugteling probleme.

Julle het omtrent twaalf miljoen vlugteling het ek verneem. Groot verantwoordelikheid. Baie werk met al die oorloë en alles. Dit is goed dat ons die VN het. Dit is baie goed.

V: Dankie Meester Ching Hai dat U, U wysheid met ons deel. Ek het 'n vraag. Dit gaan oor die toenemende wêreldbevolking en die samehangende probleme van omgewingsmisbruik sowel as die groter aanvraag na voedsel. Sal U omgee om kommentaar oor die toenemende wêreld bevolking te lewer? Is dit wêreld karma? Of gaan dit 'n sekere soort karma in die toekoms skep?

M: Om meer mense in die wêreld te hê is ook goed. Waarom nie? Hoe meer mense hoe meer lawaai, hoe meer pret.Nee? (Gelag) Dit is nie dat ons werklik oorbevolk is nie. Ons is net nie egalig versprei nie. Mense sentreer net in sekere gebiede van die wêreld en wil nie na 'n ander gebied trek nie. Dit is al. Ons het so baie uitgestrekte areas met ongerepte and wat nie gebruik word nie. Daar is baie ongerepte eilande, uitgestrekte plato's met groen woude en niks anders nie. Mense hou byvoorbeeld daarvan om in New York saam te drom (Gelag) omdat daar meer pret is.

As 'n regering, enige regering, werk kan skep, industrieë en werkgeleenthede van verskillende soorte op ander plekke sal mense daarheen stroom. Hulle sentreer op sekere plekke omdat dit makliker is om werk te kry of omdat dit daar veiliger is. Mense sal gaan waar daar veiligheid, sekuriteit en werkseleenthede is. Hulle sal gaan vir sekuriteit of om 'n lewe te maak. Dit is natuurlik.

Ons hoef nie oorbevolking te vrees nie. Ons moet meer georganiseerd wees om die mense van die wêreld meer voordeel van werkseleenthede, sekuriteit en behuising te bied. Dan sal dit oral dieselfde wees. Dan sal ons nooit oorbevolk wees nie.

Aangaande jou vraag oor voedsel behoort jy te weet omdat ons in Amerika oor nuttige inligting beskik oor hoe om die aarde te preserveer. 'n Vegetariese dieët is een van die beste metodes om die wêreld se hulpbronne te beskerm en om die hele bevolking van die aarde te voed. Ons vermors baie vegetariese

voedsel, energie, elektrisiteit en medisyne om diere te voed. Ons kan mense direk daarmee voed. Baie van die Derde Wêreld lande kan hulle proteïene verrykte vegetariese voedsel goedkoper verkoop maar dit sal van min hulp vir die bevolking van ander lande wees. As ons die voedsel egalig versprei sal 'n vegetariese dieet nie net vir ons voordelig wees nie, maar ook vir die diere en die hele wêreld.

In 'n navorsings tydskrif is genoem dat indien almal vegetaries sou eet, geeneen sou hongerly nie. Daar sal ook georganiseer moet word. Ek ken 'n persoon wat van rys semels voedsame kos en selfs melk kan maak. Toe ons laaskeer gepraat het, het hy gesê dat hy in Ceylon driehonderdduisend dollar gespandeer het en kon seshonderdduisend mense daarmee voer, die armes, die ondervoedes, die moeders en so meer. Dit was wonderlik. In meeste dele van die wêreld vermors ons die natuurlike hulpbronne. Dit is nie dat daar nie genoeg is nie. God sal ons nie hier plaas sodat ons van honger moet omkom nie. Eintlik verhonger ons onself.

So, ons moet oordink en herorganiseer wat die seën van die regering van baie lande sal verg. Hulle sal ons moet seën met volkome eerlikheid, suiwerheid en waardigheid sowel as met die wil om die bevolking te dien en nie hulleself nie. As ons hierdie seën van alle regering ontvang, het ons werklik geen probleem nie. Geen probleem nie.

Ons moet goeie leierskap hê, goeie ekonomiese beplanning, talent om te heers en eerlike regering. Dit kan vinniger gebeur wanneer mense geestelik word. Dan ken hulle die dissipline wat nodig is. Hulle ken die voorskrifte. Hulle weet hoe om eerlik en rein te wees en hulle wysheid te gebruik. Hulle kan baie oplossings vind om ons lewens te herorganiseer.

V: Dit lyk baie moeilik omdat, soos ek dit sien en verstaan, baie van die omgewingsmisbruik van vandag te doen het met die vraag na lewensruimte en huise en om in die 20ste. eeu te lewe soos ons kan en wil. Kyk na die oerwoude in Brasilië, die omgewings misbruik wat daar plaasvind, die vernietiging van die reënwoude. Die hele land word ontbos en veroorsaak vloede. Al hierdie dinge is verwant aan die probleem van oorbevolking.

M: Ja, alles het natuurlik in hierdie wêreld verband met mekaar. Die enigste manier is om dit van die kern af op te los, nie by die takke nie. Die wortel is geestelike stabiliteit. Verstaan? (Applous)

Al wat ons hoef te doen is om die geestelike boodskap te versprei, dit wat ons weet en om by die geestelike dissipline te hou. Dit het mense nie. Dit is goed en wel om jou aan 'n elektriese masjien te koppel wat ligte laat flits en musiek het wat jou in samadhi plaas. Maar jy het nie morele dissipline nie. Dit is wanneer jy die magte somtyds vir kwade doeleindes aanwend en dit nie kan beheer nie.

Dit is waarom ons in hierdie groep by die voorskrifte hou en dit eerste aan mense leer. Voorskrifte is belangrik. Ons moet weet waarheen ons gaan en hoe om ons magte te gebruik. Mag sonder liefde, medelye, behoorlike begrip en morele waarde is van geen nut nie. Dit word toordery- misbruik. Ja, dit is waar toordery vandaan kom.

Dit is maklik om die ligervaring te ontvang. Dit is moeilik om dit te behou. Op die pad wat ons volg, as ons nie gedissiplineerd is nie en nie moreel toegerus is nie, sal die Meester van ons magte wegneem sodat ons dit nie kan misbruik nie en die gemeenskap daardeur kwaad kan aandoen nie. Dit is die

verskil. Die Meester het beheer. Die Meester Mag, die Meester Mag. Goed?

Ek is baie tevrede met julle intelligente vrae.

Mense doen hierdie dinge omdat hulle nie wys genoeg is nie, soos om die omgewing te misbruik. Hulle doen verkeerde dinge omdat hulle wysheid kortkom. Ja, die bron is wysheid, geestelike beoefening.

Ervaar die Lig.

Ek dank u vir u aandag. Alles van die beste.

Spreuke

“Inisiasie is nie werklik inisiasie nie....jy kom en laat my toe om jou te help om jousef te help. Ek het nie gekom om van julle dissipels te maak nie maar Meesters.”

Oppermeester Ching Hai

“Almal weet reeds hoe om te mediteer, maar julle mediteer op die verkeerde dinge. Sommige mediteer op mooi meisies, sommige op geld, ander op besigheid. Elke keer wanneer jy ten volle, heelhartiglik aan een ding aandag gee, mediteer jy. Ek gee net aandag aan die innerlike Krag, die Deernis, die Liefde en die Genadige eienskappe van God.”

Oppermeester Ching Hai

“Inisiasie beteken ‘n nuwe lewe in ‘n nuwe orde. Dit beteken dat die Meester jou aangeneem het om een van die wesens in die sirkel van Heiliges te word. Dan is jy nie meer ‘n gewone wese nie, jy is verhef. In die ou dae het hulle dit “Doop” genoem, of om “Ontvlugting in die Meester te neem.” “

Oppermeester Ching Hai